

Мени ана тилим.

Мени ана тилим магъа -сав дюнья. Тил янгыз уьстюнде ишлев учун предмет тюгюл, о халкъыны жанлы ругъу, байлыгъы , эсделиги.

Мени ана тилим къумукъ тил. Къумукъ тил мени яшавумда агъамиятлы ерни тута. Къумукъ тил мени ата-бабаларымны тили. Мени тилим тюрк тиллени бириси гъисаплана.

Къумукъ тилни бек сюемен. О мени къаркъарама анамны сютю булан сингген. Анам магъа къумукъ тилде гъайлек йырлар йырлагъан, ёмакълар айтгъан.

Къумукъ тилде мен адамны яшавунда лап да биринчи ва аявлу АНА деген сезню айтгъанман.

Мен Къоркъмаскъала юртда яшайман ва Къоркъмаскъала орта школаны 9 нчу класында охуйман.

Школада ана тил ва адабият дарсланы къужурлу кюйде гечебиз.

Ана тил дарсларда тюрлю темалар гечебиз, сочинениелер , изложениелер язабыз, тюрлю тапшурувлар этебиз.

Адабият дарсларда буса къумукъ язывчуланы ва шаирлени яшаву ва яратывчулугъу булан таныш болабыз. Оланы асарларын гечебиз.

Белгили къумукъ шаирлер ва язывчулар Йырчы Къазакъ, Магъаммат-апенди Османов, Манай Алибеков, М.С. Ягъяев, Нугъай Батырмурзаев Абусупиян Акеев ва

Башгъаларыны асарларын кеп сююп охуйман.

**Мен ойлашагъан кюйде гъар ким оъзюню ана тили
булан оъктем болма тарыкъ, ана тилде тюз сейлеме
тарыкъ.**

**Ана тил-о бизин байлыгъыбыз, бизин ругъубуз,
культурабыз, тарихибиз.**

**Ана тилни яхшы билмек учун мен ойлашагъан кюйде
кеп къумукъ тилде асарлар охума тарыкъ, ана тилде
чыгъагъан газетлени , журналланы охума тарыкъ, ана
тил дарслагъа юрюме тарыкъ ва лап да аслусу ана
тилде сейлеме тарыкъ.**

**Мен сочинениеми мен оъзюмню шиърум булан
битдирме сюемен:**

Бал татып сейлемеге

Къумукъ тилни балы бар

Къумукъланы къумукъбуз деп,

Оъктем болма гъалы бар.

Уллу насип къумукъ тилге

Гъашыкъ болуп къалгъаным.

Къумукъ тилни, къумукъ тюзню,

Къумукъ кызы болгъаным.

